

豫章叢書

第一七五冊

楚

章

集

書

第五冊

石初集卷四

元 安福周霆震譔

五言律詩

憂懷

黃落雜烟蕪林炊乍有無
喪氛移步滿兵氣幾時蘇
小邑疲封拜窮鄉絡饋輸
劫深資病感閑坐校靈樞

老病

喪亂交遊盡艱難老病深
寥寥平世策落落古人心
夕照驚岐路晨霜憶故林
折腰寧五斗傲筭或千金

山村

寥落驚回首艱危厭久生野人羞費揖山石苦留行
坡雨初畦菜園霜未破橙小村風物古暫喜話農耕
喜康子至

幼兒淹滯劉氏館中夜劫者壞大門而入急呼宿
客父子起走出遇寇二客趨東廂影堂寇追躡之
父死子傷吾兒趨西廂匿神龕側幸免死生之異
在毫髮間於其來也且喜且悲

脫或淪鋒刃吾年豈願餘及今相見日是汝有生初
割愛三兄愧憑危一飯驅風塵方未已尙慎母恩劬

憶第三兒留郡城

百里元非遠三春又已終傳聞隨處有消息幾時通
蔓草酣朝露孤花繫晚風昨逢歸客語前日早棹一作
趨洪

挽吉水孫碧澗判院

嗣世明經業傳家畫錦衣干戈危獨立桑梓晚全歸
遠戍孤雲淡平原落日微送車淚交洒霜葉不成飛
送人之岳陽稅務

五月巴陵去官途事若何通商川舶遠供貢楚材多
澤國留形勝湖廣參政阿思騷人續詠歌時逢漁艇
問或有化龍梭

張德彥

德彥自金陵敗中附趙餘黨邇流將抵安慶趙子

變起

其父鎮安慶陳疑其通金陵師行之際戮之

守者倉皇東下德彥

同行誠之急投脫命趙舟四十六人皆死歸道所

以聞者悚然

跋涉通千里存亡間一舟絕憐干祿誤翻致遺親憂
水國寒潮晚山城古木秋行藏盍深省嚮晦庶無尤

辛丑除夕

兩雪徂年日乾坤厭亂餘戰爭吳會阻消息朔風虛
虎眈投胥井燐冤集故墟事機恒倚伏天意竟何如

壬寅旦日

衰遲違故里喪亂守殘編
鞍馬兒童習貂璫牧圉聯
問春逢上日頒朔臆當年
懶復談迎送焚香校太玄

閔新安

路泣顛微步原塗枕積骸
孫恩將入海新安砦主李
祐起平淮紅巾首李昭
犇潰蛾投火攀援蟻附厓
熊兵聞

禁暴坐覺衆心懷

關隴吟

隴戍通恆代河關控魯齊
日經亡國淡天入戰場低
玉帳千羊酪青郊萬馬蹄
悲歌頻勸酒送客去安西

寇至

羣醜發禾川中宵羽檄傳纔收緣岸戍已漲近城烟
掠貨舟相次毆人騎獨先兒孫猶九口兩地寸心懸

雜詠三首

海宇承平久風塵忽四驚官僚生間道黎庶死乘城
壯士天山箭將軍細柳營寥寥千載事憂世與誰評
穎蔡俄中起荆襄轉盼休兵符留北府臣節仗南州
萬宇聲華刼干官富貴羞聖恩覃雨露未必乏嘉猷
所至失堅城宜令鼠輩輕茫茫誰報國草草衆興兵
吳楚懸三戶河山隔上京幾時蘇北望飛騎報塵清

卽事

古驛深春雨荒城帶落暉雞豚當道混烟火隔江微
所過無完室相逢盡短衣干戈承劫運暫與聖恩違

羅郭

首義羅明遠傾家郭楚金俊功隨日起遺恨與年深
白日重泉影青天萬古心如何有位者翻不計浮沉

感遇

病髮梳頻減愁根日夜深世方迷貨色天未厭風塵
臣分誰憂國君心本愛民歲寒餘勁草灑血贛江濱

七言律詩

秋日登城

山壓孤城草樹荒
西風塵起獨徬徨
蕭條遺構重燒
毀樵悴餘民半殺傷
驛傳共疑星使香
角聲空引雁
愁長書生往往談經濟
攬轡澄清合有方

答劉持志

關山極目翳黃埃
歎息車薪水一杯種
穠地荒賓少
顧催租邑小吏頻來
暗塵葛服秋當浣
細雨柴門晚
未開近日江南吟
思減斷腸誰更憶
方回

答道原思治

書生報國乏涓埃
羞對茱萸強舉杯
宿霧連山雄虺

些朔風何日野鷹來交游漸向艱危盡懷抱那能老
病開幾度出門疑所適杖藜細遶竹西回

雨

五月初七日雨至初九夕大作一晝夜如傾初十
夜半更許方止江漲比丁巳有加

濕雲無際漲痕粘雨勢朝來幾倍添已讓滄溟懷絕
島更輸銀漢建高簷三年兵甲天當洗一日蛟龍地
莫淹早泛賈船隨鬪艦廣通民食富官鹽

寄吳彥章卧病客中

亂山岐路鴈行斜籬落酴烟菊自花我昔郡城行冒

雨君今孤館卧思家濟時孰是囊中穎避地除非海
上槎一郡幸存唯二邑戍樓何日罷吹笳

城陷

黃塵赤日陷城池又到冰霜歲晏時列寨守江兵夜
戍揚旗出郭寇朝馳就梁誤落荒田鴈啄肉空肥野
樹鴈諸將從容依老守捷書但奏莫令遲

梁侯守郡
惡聞兵敗

感秋

鬢如疎葉挂林端帶減腰圍逐月寬久病秋深心易
怯多愁夜永夢難安暗蟲入戶輪清苦落月窺窗進
薄寒屈指青春平野望東風隨意馬頭看

九日

西風慘淡郡城樓誰復黃花插滿頭訪舊愁經墟落
晚登高怕見戰塲秋鳴鸞閣在金笳集戲馬臺空鳥
鼠留尙欲遠尋雷煥友提攜雙劍出南州

荒荒黃菊負登臨莽莽乾坤亘古今淮浪逆舟寒日

澹楚山連歲暮雲深孤生自滴思親淚

先父宋淳祐九年九月九

日生多難誰攄報國心道路幾時辭逆旅關河無地避

秋砧

送韓一初赴馬萬戶府參議

才俊宜從幕府升四郊何日保安寧連營未報休傳

箭策馬何嫌出戴星苦戰城壕霜月白屢殘村落野
烟青軍民甚有關心處佐政行看刃發礪

登城

世祖艱難德澤深風悲城郭怕登臨九朝天下俄川
決七載江南竟陸沉馬首空傳當日價鷄聲不到暮
年心雨餘門外青青草過客魂消淚滿襟

民哀

痛哭羣庸誤主恩遺民無路叩天閭荒涼甲第有焦
土倉卒深閨無固門青血傳餐供士卒黃金爲土贖
兒孫囊膠誰造崑崙頂念此長河駭浪渾

除夜感念亡室

無復憐余踏雪回一燈兒女促行盃
土寒深痛骨委絕月暗忽迷魂
去來遲暮影屏如欲踏顛危心死不
成衰鬢邊種種君知否消得流年幾度催

中秋

夢遠霓裳世外音漢宮天老桂香沉
黃埃欲出飛鷺上白骨猶如落葉深
萬國砧聲離別淚中宵月色太平心
晉公相業何時見目斷天津益苦吟

風雨重陽

八載兵戈苦未休異鄉佳節若爲酬
鷹臺人化前千

石永集卷四
歲鴈塞書沉外九州風雨黃花宜換世山林白髮欲
尋秋莫言抱病妨杯酌漸喜新來絕酒讐

冰盤雪藕

清徹冰盤壓蔗漿酒酣雪藕進華堂凝寒色映瑤華
晚真白絲連翠袖香金掌曾聞承玉露瑤臺忽見
瑤臺霜文園近日真消渴莫種蓮根引恨長

元日雪

朔雪遙憎毒霧蒸兩年元日勢憑陵氣吞鴈表城如
玉聲撼龍宮海欲冰不夜與天爲汗漫當春借地示
嚴凝貂裘公子來何暮好向寒空縱角鷹

新正雨雪連綿人日大霧近午晴

天賜春晴一日恩
亂來骨肉幾家存
屢危豈望全要領
積善當知及子孫
喜有帆檣通白下
幸無車馬到青門
往時百萬蒼生苦
歲晚承平擬細論

中秋城西感興

玉宇瓊樓三萬里
乘槎無路匪仙才
塵揚海內衣冠盡
鴈斷雲邊鼓角哀
天意未知何日定
月華空自昔年來
故山老桂無消息
紅蓼花高滿路開

雨困簡張梅間

濕薪萬竈漲烟氛
屋角鳴鳩旦夕聞
山接雲根如棧